



Convocatorio Habri Aña pa Conmemoracion di Pasado di Sclavitud

Tuma nota! E formulario di haci peticion lo ta online mas pronto posibel.

Riba 13 di desember nos lo organisa un reunion di informacion online tocante e Convocatorio Habri Aña pa Conmemoracion di Pasado di Sclavitud. Registra pa esaki via e formulario [aki](#).

Bo tin un plan pa un proyecto cu lo haci un contribucion duradero na conocimiento y conscientisacion di e pasado di sclavitud? Bo ta artista o un fanatico den e disciplinanan di arte visual, patrimonio, industria creativo, literatura, arte riba escenario o cross-overs entre e disciplinanan aki? O bo ta un biblioteca, archivo o organisacion den e disciplinanan aki di cua su tarea ta organisa presentacionnan accesibel na publico? Tal bes bo por haci un peticion pa contribucion na e Convocatorio Habri Aña pa Conmemoracion di Pasado di Sclavitud. Por haci esaki na Hulandes of na Ingles.

Nota: De caso di diferencia entre e versionnan linguistico, e version Hulandes lo prevalece.

Durante e Aña pa Conmemoracion di Pasado di Sclavitud di 1 di juli 2023 te 1 di juli 2024 lo dedica mas atencion na un parti importante y doloroso di nos historia y na cual te cu recien a duna poco atencion: e pasado di sclavitud. Den cuadro di esaki Gobierno di Reino ta pone 2 miyon euro disponibel pa actividadnan y iniciativa nan cu ta contribui na conmemora y celebra abolicion di sclavitud y/o cu por duna un contribucion na conocimiento y sensibilidat di pasado di sclavitud y su impacto den presente. Mondriaan Fonds y Fonds voor Cultuurparticipatie cada uno ta haya 1 miyon euro pa sostene actividadnan durante e Aña di Conmemoracion, di tanto institucion nan como hende nan y iniciativa nan chikito local den Reino Hulandes (Hulanda, Aruba, Boneiro, Corsou, Saba, St. Maarten y St. Eustatius).

Mondriaan Fonds ta enfoca riba proyectonan cu ta aumenta conocimiento y consciencia via desaroyo di varios tipo di presentacionnan pa e publico. Por ehempel: podcasts, exhibicionnan, simposionan o publicacionnan.

E areglo di subsidio di Fonds voor Cultuurparticipatie ta enfoca riba actividadnan participativo den cual e participantenan ta partisipa activamente. Consulta e website pa asina haya mas informacion.

Antecedente Aña pa Conmemoracion

Mondriaan Fonds y Fonds voor Cultuurparticipatie lo parti e presupuesto pa medio di 2 convocacion habri. A desaroya e convocacion nan den colaboracion cu un grupo di experto critico cu ta bini di diferente comunidnan involucra.

Diferente comunidnan descendiente ta forma un parti inseparable di e historia akí: descendiente di es nan cu a keda catibo, di e gruponan indigena y di es nan cu a traha cu contract. Pa e motibo aki e experiencia di comunidnan no Europeo involucra den e pasado di sclavitud ta para central den e actividadnan durante e Aña di Conmemoracion. Esakinan ta entre otro e hende nan indigena di e colonianan di e tempo aki na Surnam y e seis islanan Caribense, e personanan Chines, Havanés y Hindustan trahando cu contract, y tambe por ehempel comunidnan Moluco, Ganes y Sur Africano.

Ken ta eligibel

Un grupo amplio di solicitante establece den Reino Hulandes (Hulanda, Aruba, Boneiro, Corsou, Saba, St. Maarten y St. Eustatius) por haci peticion na Mondriaan Fonds. Ta trata di personanan cu practica profesional den e disciplinanan di arte visual, patrimonio, industria creativo, literatura, arte riba escenario o cross-overs entre e disciplinanan aki.

Además, archiefnan, bibliotecanan i organisacionnan den e areanan di arte visual, patrimonio, industria creativo, literatura, arte riba escenario o cross-overs entre e disciplinanan cu un funcion di presentacion, establece na e parti Caribense di Reino y na Hulanda, por haci peticion.

Mondriaan Fonds ta ofrece un contribucion di traduccion pa personanan cu ta haci peticion den otro idioma, pa asina nan por laga traduci nan peticion den Hulandes of Ingles.

Con y ki ora por haci peticion

Tin dos deadline: e prome tawata riba dia 16 di januari 2023 (17.00 CET/12.00 AST), e di dos deadline ta dia 24 di april 2023 (17:00 CEST/11:00 AST). Por haci peticionnan via e sistema di peticion online di Mondriaan Fonds. Pa haci esaki bo mester di un cuenta. Si ainda bo no tin un cuenta, bo por haci peticion pa uno akinan. Tene cuenta cu un tempo di procesamento di 3 luna despues di e fecha limite di e rondo di peticion. No por otorga un contribucion retro-activamente.

Tin 2 tipo di peticion den e Convocatorio Habri Aña pa Conmemoracion di Pasado di Sclavitud: personanan individual y organisacionnan. Na continuacion bo por lesa e splicacion corespondiente pa cada tipo di solicitante.

Peticion Persona Individual

Pa ken

Ta trata di personanan establece den Reino Hulandes (Hulanda, Aruba, Boneiro, Corsou, Saba, St. Maarten y St. Eustatius) cu practica profesional den e disciplinan di arte visual, patrimonio, industria creativo, literatura, arte riba escenario o cross-overs entre e disciplinan aki.

Contribucion pa ki tipo di proyecto?

Por uza e contribucion pa proyectonan y actividadnan den e parti Caribense di Reino y na Hulanda pa aumenta di manera permanente conocimiento y consciencia tocante e pasado di sclavitud y su impacto den presente. Por haci peticion pa proyectonan di acceso publico den e aña conmemorativo cu ta cuminsa dia 1 di juli di 2023 pa 1 de juli di 2024.

Ta trata di disciplinan di arte visual, patrimonio, industria creativo, literatura, arte riba escenario o cross-overs entre e disciplinan aki. Por ehempel, por uza e contribucion pa:

- presentacionnan publico;
- produccion y presentacion di trabou;
- proyectonan cu ta visualisa e relacion entre luganan y espacionan historico y e pasado di sclavitud;
- simposio;
- podcasts;
- bukinan (di mucha);
- produccionnan di teatro y baile;
- aplicacionnan digital manera weganan o apps;
- proyectonan di investigacion relevante cu ta culmina den un presentacion accesibel pa publico.

Cuanto?

Ta determina e cantidad di e contribucion pa cada peticion y esaki ta maximo 95% di e gastonan di proyecto variabel. Por haci peticion for di € 5,000 te cu € 75,000 pa proyecto nan.

Solicitantenan por haci peticion pa un montante fiho pa un periodo di trabou, cu por varia di 1 te cu 12 luna. E montante standard ta € 2,585 pa luna. Bo mester haci e duracion di e contribucion factibel den e plan di trabou.

Tambe ta posibel pa haci un peticion pa un contribucion flexibel en bes di un contribucion fiho pa un periodo di maximo 12 luna. Ta determina e cantidad basa riba e plan, e duracion di e proyecto y e presupuesto.

Con y ki ora por haci peticion

Por haci un peticion pa un contribucion di 2 manera:

1. Ta entrega e peticion por escrito via e sistema di peticion. Bo ta yena e formulario di peticion y añadi e anexonan necesario. Bo ta duna un splicacion sustantivo por escrito di e plan di e proyecto.
2. Ta entrega e peticion por escrito via di e sistema di peticion y despues ta splica e plan oralmente na e comite como parti di e peticion. Bo ta yena e formulario di peticion y añadi e anexonan necesario. Bo ta entrega un resumen escrito di e plan. Bo ta haya un invitacion para un cita online cu e comite di evaluacion di un maximo di 20 minuut, den cual bo por duna un splicacion oral di e plan.

Tin dos fecha limite: e promé tabata dia 16 di januari 2023, e di dos fecha limite ta dia 24 di april 2023 (17.00 CET/12.00 AST). Por haci peticionnan via e sistema di peticion online di Mondriaan Fonds. Pa haci esaki bo mester di un cuenta. Si ainda bo no tin un cuenta, bo por haci peticion pa uno [akinan](#). Tene cuenta cu un tempo di procesamento di 3 luna despues cu e fecha limite di e rondo di peticion. No por otorga un contribucion retro-activamente. Por lo tanto, mester entrega e peticion cu suficiente anticipacion na e fecha di inicio desea.

Tuma nota! E formulario di haci peticion lo ta online mas pronto posibel.

Riba 13 di desember nos lo organisa un reunion di informacion online tocante e Convocatorio Habri Aña pa Conmemoracion di Pasado di Slavitud. Registra pa esaki via e formulario [aki](#).

Procedura

- E solicitantenan por manda nan peticion via e di e sistema di peticion online; aki bo por opta pa un formulario na Hulandes o na Ingles. Por entrega e peticion solamente na Hulandes o na Ingles. E Mondriaan Fonds ta ofrece un contribucion di traduccion pa e solicitantenan cu ta skirbi den un otro idioma. (Meer informatie volgt zo spoedig mogelijk)
- Den e formulario di peticion (Hulandes o Ingles), e solicitante ta scoge e manera cu e peticion ta ser entrega: por escrito (inclui un descripcion por escrito di e plan) o den un forma combina (un descripcion corto por escrito di e plan combina cu un splicacion verbal di e plan pa e comite di evaluacion durante un cita online).
- Despues di manda e peticion, Mondriaan Fonds ta verifica si e peticion ta completo. Si e peticion no ta completo, e trahadonan di e fondo lo tuma contacto cu bo. E solicitante na e momento aki tin e oportunidad di completa e peticion denter di 5 dia di trabou. Si e peticion ainda no ta completo despues di esaki, lamentablemente nos no por procesa esaki.
- Si e peticion ta completo, e solicitante lo haya un confirmacion via e-mail.

Den caso di un peticion por escrito:

- Lo test e peticion por escrito basa riba e condicionnan formal. Si esaki ta aproba, lo entrega e peticion na e comision cu lo evalua basa riba e criterionan stipula.

Den caso di un peticion cu splicacion oral riba e plan:

- Si solicitante a indica den e formulario di peticion cu e ta desea di splica e plan oralmente na e comite di evaluacion, lo manda un invitacion pa un cita online despues di un confirmacion di e recepcion di un peticion completo.
- Ta invita e solicitante pa presenta e plan y splica esaki. Por haci esaki na Hulandes of na Ingles. E cita online ta dura un maximo di 20 minuut. E comite di evaluacion por haci preguntanan sustantivo tocante e plan.
- Posteriormente, e solicitante lo haya un rapport breve. E solicitante tin e oportunidad pa responde na e rapport den 3 dia di trabou despues di haya esaki. Despues di esaki, ta agrega e rapport na e peticion.
- Lo test e peticion basa riba e condicionnan formal. Si esaki ta aproba, lo entrega e peticion na e comision cu lo evalua esaki basa riba e criterionan stipula.

Condicionnan individual

- Bo tin un practica profesional den e disciplinanan di arte visual, patrimonio, industria creativo, literatura, arte riba escenario o cross-overs entre e disciplinanan.
- Pa ta eligibel pa un contribucion, bo mester ta substancialmente activo y profesionalmente integra den e disciplina relevante den e parti di Caribense di Reino Hulandes y/o na Hulanda.
- Bo mester ta traha minimalmente 1 aña como profesional den e disciplinanan di arte visual, patrimonio, industria creativo, literatura, arte riba escenario o cross-overs entre e disciplinanan aki. Si no sigui un programa di educacion den e disciplina y e solisitante ta trahando pa un periodo menos cu 4 aña, lo rekeri un prueba di inscripcion na Camara di Comercio.
- No por haci peticion pa un contribucion pa conmemora y celebra abolicion di slavitud y pa proyectonan puramente educativo. E proyecto por opta pa un contribucion di e Fonds voor Cultuurparticipatie.
- No por realiza contribucionnan na actividadnan cu ya ta haya o ta lo haya financiamiento for di un otro areglo di Mondriaan Fonds, Fonds voor Cultuurparticipatie, o basa riba un Areglo riba e maneho cultural specifico o otro prestacion financia cu fondonan publico.
- Si un artista ta involucra den e plannan, ta obligatorio pa paga un tarifa realista na e artista y mester inclui esaki den e presupuesto. E solicitante ta paga e tarifa di acuerdo cu e normanan pa tarifanan pa artistanan.

Condicionnan General

Evaluacion

Colaboradonan di Mondriaan Fonds ta verifica cu e peticion presenta cu e anexonan ta completo y lo test esakinan na e condicionnan formal. Si esaki ta aproba, lo presenta e peticion na e comite cu ta recomenda tocante dunamento di un contribucion.

Un contribucion na e Convocatorio Habri Aña pa Conmemoracion di Pasado di Sclavitud solamente por ser otorga si e comite duna un conseho positivo.

Debi na e presupuesto limita, no ta semper posibel pa respeta tur e consehonan positivo. Den e caso aki, e directiva di Mondriaan Fonds lo pidi e comite di evaluacion lo compara e recomendacionnan positivo entre nan y clasifica e orden di prioridad. E diversidad di proyectonan, e extension regional y un distribucion ekilibra entre e diferente tiponan di proyecto ta hunga un rol den e consideracion aki. Esaki ta nifica cu por sosode cu un peticion a ser evalua di manera positivo, pero ainda e no a haya un contribucion.

E comite di evaluacion ta evalua un peticion di personanan individual a base di:

- Material di documentacion (visual) di e ultimo 3 aña nan.
- Cv.
- Splicacion di e trabou y di bo practica profesional.
- E plan incluyendo un motivacion sustantivo (splica completamente por escrito o parcialmente por escrito/parcialmente oral). E plan ta consisti di un descripcion di e proyecto, divulgacion publico y plannan di presentacion y, posiblemente, un splicacion di e colaboracion(nan).

E comite ta aplica un concepto inclusivo di calidad cu ta tene na cuenta cu e contexto specifico den cua ta presenta o implementa cada solicitud. Ademas, e evaluacion ta enfoca riba e plan.

E comite di evaluacion ta considera e siguiente criterio:

E calidad di e trabou y e grado di reconocimiento

- E calidad di e trabou: pensa den e caso aki riba e principionan basico y e manera di expresa esaki den e trabou.
- E grado di reconocimiento: basa riba exposicionnan, publicacionnan, actuacionnan, encargonan, benta, subsidionan y posibel premionan.

Plan di calidad

- E plan ta contribui na e aumento y ampliacion di conocimiento y consciencia tocante e pasado di sclavitud y su impacto riba presente?
- E plan ta destaca un perspectiva di comunidadnan involucra?
- E plan ta importante den e contexto regional y/o (inter)nacional? Pensa riba e apoyo, incorporacion, y colaboracionnan cu comunidadnan o otro partidonan (cultural) y organizacionnan social relevante, otro creadornan, curatornan y fanaticonan cu ken ta haci colaboracion, e luga caminda esaki ta tuma luga, etc.

Alcance publico

- E plan di presentacion ta brinda confianza cu esaki lo yega na e audiencia previsto?

Peticion pa organisacion

Pa ken

Ademas, archiefnan, bibliotecanan y organizacionnan den e areanan di arte visual, patrimonio, industria creativo, literatura, arte riba escenario o cross-overs entre e disciplinan cu un funcion di presentacion, establece den Reino Hulandes (Hulanda, Aruba, Boneiro, Corsou, Saba, St. Maarten y St. Eustatius), por haci peticion.

Contribucion pa ki tipo di proyecto?

Por uza e contribucion pa proyectonan y actividadnan den e parti Caribense di Reino y na Hulanda pa aumento di manera permanente conocimiento y consciencia tocante e pasado di sclavitud y su impacto den presente. Por haci peticion pa proyectonan di acceso publico cu ta cuminsa den e aña conmemorativo cu ta cuminsa dia 1 di juli di 2023 pa 1 de juli di 2024. Ta importante pa e proyecto muestra un perspectiva di e comunidadnan involucra y cu e comunidadnan aki tin un posicion di liderazgo den e desaroyo di e proyecto.

Ta trata di disciplinan di arte visual, patrimonio, industria creativo, literatura, arte riba escenario o cross-overs entre e disciplinan aki. Por ehempel, por uza e contribucion pa:

- presentacionnan publico;
- produccion di trabou di parti di e creadornan;
- proyectonan cu ta visualisa (mas tanto) e relacion entre luganan y espacionan historico y e pasado di sclavitud, manera rutan na pia o riba baiskel;

- simposio;
- podcasts;
- bukinan (di mucha);
- produccionnan di teatro y baile;
- aplicacionnan digital manera weganan o apps;
- proyectonan colaborativo destina pa aumenta e conocimiento y culmina den un presentacion;
- proyectonan di investigacion relevante cu ta culmina den un presentacion accesibel pa publico.

Cuanto?

Ta determina e cantidad di e contribucion pa cada peticion i esaki ta maximo 95% di e gastonan di proyecto variabel. Por haci peticion for di € 5,000 te cu € 75,000 pa proyecto nan. Pa peticionnan te cu € 10,000, ta posibel duna un splicacion verbal di e plan.

Con un ki ora por haci peticion

Por haci un peticion pa un contribucion te cu € 10,000, di 2 manera:

1. Ta entrega e peticion por escrito via e sistema di peticion. Bo ta yena e formulario di peticion y añadi e anexonan necesario. Bo ta duna un splicacion sustantivo por escrito di e plan di e proyecto.
2. Ta entrega e peticion por escrito via di e sistema di peticion y despues ta splica e plan oralmente na e comite como parti di e peticion. Bo ta yena e formulario di peticion y añadi e anexonan necesario. Bo ta entrega un resumen escrito di e plan. Bo ta haya un invitacion para un cita online cu e comite di evaluacion di un maximo di 20 minuut, den cual bo por duna un splicacion oral di e plan.

Peticion pa un contribucion for di € 10,000 te cu € 75,000 solamente por ser entrega por escrito (sin splicacion verbal) via di e sistema di peticion.

Tin dos fecha limite: e promé tabata dia 16 di januari 2023, e di dos fecha limite ta dia 24 di april 2023 (17.00 CET/12.00 AST).

Por haci peticionnan via e sistema di peticion online di Mondriaan Fonds. Pa haci esaki bo mester di un cuenta. Si ainda bo no tin un cuenta, bo por haci peticion pa uno [akinan](#). Tene na cuenta cu e termino pa procesa di 3 luna despues di e fecha limite di e rondo di peticion. No por otorga un contribucion retro-activamente. Por lo tanto, mester entrega e peticion cu suficiente anticipacion na e fecha di inicio desea.

Tuma nota! E formulario di haci peticion lo ta online mas pronto posibel.

Riba 13 di desember nos lo organisa un reunion di informacion online tocante e Convocatorio Habri Aña pa Conmemoracion di Pasado di Sclavitud. Registra pa esaki via e formulario [aki](#).

Procedura

- E solicitantenan por manda nan peticion via e di e sistema di peticion online; aki bo por opta pa un formulario na Hulandes o na Ingles. Por entrega e peticion solamente na Hulandes o na Ingles. E Mondriaan Fonds ta ofrece un contribucion di traduccion pa e solicitantenan cu ta skirbi den un otro idioma. (Meer informatie volgt zo spoedig mogelijk).
- Den e formulario di peticion (Hulandes o Ingles), e solicitante ta scoge pa proyectonan for di € 5,000 te cu € 10,000 na e manera cu e peticion ta ser entrega: por escrito (inclui un descripcion por escrito di e plan) o den un forma combina cu un descripcion corto por escrito di e plan combina cu un splicacion verbal di e plan pa e comite di evaluacion durante un cita online.
- Despues di manda e peticion, Mondriaan Fonds ta verifica si e peticion ta completo. Si e peticion no ta completo, e colaboradonan di e fondo lo tuma contacto cu bo. E solicitante na e momento aki tin e oportunidad di completa e peticion denter di 5 dia di trabou. Si e peticion ainda no ta completo despues di esaki, lamentablemente nos no por procesa esaki.
- Si e peticion ta completo, e solicitante lo haya un confirmacion via e-mail.

Den caso di un peticion por escrito:

- Lo test e peticion por escrito basa riba e condicionnan formal. Si esaki ta aproba, lo entrega e peticion na e comision cu lo evalua esaki basa riba e criterionan stipula.

Den caso di un peticion ku splicacion verbal pa proyectonan di € 5,000 te cu € 10,000:

- Si solicitante a indica den e formulario di peticion cu e ta desea di splica e plan oralmente na e comite di evaluacion, lo manda un invitacion pa un cita online despues di un confirmacion di e recepcion di un peticion completo.
- Ta invita e solicitante pa presenta e plan y splica esaki. Por haci esaki na Hulandes of na Ingles. E cita ta dura un maximo di 20 minuut. E comite di evaluacion por haci preguntanan sustantivo tocante e plan.

- Posteriormente, e solicitante lo haya un rapport global. E solicitante tin e oportunidad pa responde na e rapport den 3 dia di trabou despues di haya esaki. Despues di esaki, ta agrega e rapport na e peticion.
- Lo test e peticion basa riba e condicionnan formal. Si esaki ta aproba, lo entrega e peticion na e comision cu lo evalua esaki basa riba e criterionan stipula.

Condicionnan pa organisacionnan

- Organisacionnan den e areanan di arte visual, patrimonio, industria creativo, literatura, arte riba escenario o cross-overs entre e disciplinanan, establece na e parti Caribense di Reino y na Hulanda, por haci peticion.
- Organisacionnan cu no tin principalmente un fin lucrativo y di cua su actividadnan principal ta e desaroyo di presentacionnan y/o programanan di actividadnan accesibel pa publico, y tambe bibliotecanan y archiefnan, por haci un peticion.
- Institucionnan educativo y di pos-grado no por haci peticion.
- No por haci peticion pa un contribucion pa conmemoracion y celebracion di e abolicion di sclavitud, pa proyectonan puramente educativo, construccion o renobacion o fundacion di museonan, restauracionnan, excavacionnan arkeologico, compra di ophetonan o sub-coleccionnan, pa gastonan fiho y explotacion permanente. Por haci peticion solamente pa gastonan di proyecto variabel.
- No por realiza contribucionnan na actividadnan cu ya ta haya o lo haya financiamiento for di un otro areglo di Mondriaan Fonds, Fonds voor Cultuurparticipatie, o basa riba un Areglo riba e maneho cultural specifico o otro prestacion financia cu fondonan publico.
- Si un artista ta involucra den e plannan, ta obligatorio pa paga un tarifa realista na e artista y mester inclui esaki den e presupuesto. E solicitante ta paga e tarifa di acuerdo cu e normanan pa tarifanan pa artistanan.
- Institucionnan cultural ta firma eFair Practice Code, eGovernance Code Cultuury eCode Diversiteit & Inclusie.

Condicionnan General

Evaluacion

Colaboradonan di Mondriaan Fonds ta verifica cu e peticion presenta cu e anexionan ta completo y lo test esakinan na e condicionnan formal. Si esaki ta aproba, lo presenta e peticion na e comite cu ta recomenda tocante dunamento di un contribucion.

Un contribucion na e Convocatorio Habri Aña pa Conmemoracion di Pasado di Sclavitud solamente por ser otorga si e comite duna un conseho positivo.

Debi na e presupuesto limita, no ta semper posibel pa respeta tur e consehonan positivo. Den e caso aki, e directiva di Mondriaan Fonds lo pidi e comite di evaluacion lo compara e recomendacionnan positivo entre nan y clasifica e orden di prioridad. E diversidad di proyectonan, e extension regional y un distribucion ekilibra entre e diferente tiponan di proyecto ta hunga un rol den e consideracion aki. Esaki ta nifica cu por sosode cu un peticion a ser evalua di manera positivo, pero ainda e no a haya un contribucion.

E comite di evaluacion ta evalua un peticion di organisacionnan a base di:

- Un descripcion cu echanan di e organizacion, incluyendo un descripcion general di e actividadnan den e ultimo 3 aña nan. Si esaki ta coresponde, duna un splicacion di e actividadnan den pasado relaciona cu e tema aki.
- E plan incluyendo un motivacion sustantivo (splica completamente por escrito o parcialmente por escrito/parcialmente oral). E plan ta consisti di un descripcion di e proyecto, divulgacion publico y plannan di presentacion y (si ta aplicabel) un splicacion di e colaboracion(nan).
- Un presupuesto detaya cu plan di cobertura.

E comite ta aplica un concepto inclusivo di calidad cu ta tene na cuenta cu e contexto específico den cua ta presenta o implementa cada solicitud. Ademas, e evaluacion ta enfoca riba e plan.

E comite di evaluacion ta considera e siguiente criterio:

Calidad di Organizacion

- E calidad y e reputashon di e solicitante ta importante?
- E organizacion tin un vision y un mision evidente?
- E actividadnan di pasado ta duna confianza cu e plan ta teniendo e efecto desea?

Plan di calidad

- E plan ta contribui na e aumento y ampliacion di conocimiento y consciencia tocante e pasado di esclavitud y su impacto riba presente?
- E proyecto tin un efecto sostenibel den e contexto di aumenta e conocimiento y consciencia tocante e tema aki? Por ehempel, cu ta inclui e tema den e programacion regular/structural.
- E proyecto ta destaca un perspectiva di comunidadnan comprometi? E plan ta demostra suficientemente cu e comunidadnan tin un posicion di liderazgo den e desaroyo di e proyecto?

Alcance publico

- E plan di presentacion ta brinda confianza cu esaki lo yega na e audiencia previsto?

E contexto artistico y cultural di e plan

- E plan ta importante den e contexto regional y/o (inter)nacional? Pensa riba e apoyo, incorporacion, colaboracionnan cu comunidadnan o otro partidonan (cultural) y organizacionnan social relevante, otro creadornan, curatornan y fanaticonan cu ken ta haci colaboracion, e luga caminda esaki ta tuma luga, etc.